

Naartuersittarneq pillugu  
siunersiueqatigiittartut piffissami 1.  
oktober 2024-imiit 1. februar 2025-  
imut nakkutilliinerinit  
nalunaarusiaq

Naartuersittarneq pillugu isumalioqatigiit

**KALAALLIT NUNAAT**

30. maj 2025

Uannga allanneqartoq: mono

# Naartuersittarneq pillugu siunersieqatigiittartut piffissami 1. oktober 2024-imiit 1. februar 2025-imut nakkutilliinerit nalunaarussiaq

## Naartuersittarneq pillugu isumalioqatigiit

### A. Naartuersittarneq pillugu isumalioqatigiit nakkutilliinissamik piginnaasaqarnerat

Naartuersinnissaq pillugu aalajangiinerni assigiiaartumik periaaseqartoqarnissaa qulakkeerniarlugu, Naartuersinneq pillugu Kalaallit Nunaanut inatsit nr. 232, 12. juni 1975-imeersoq malillugu Kalaallit Nunaanni Naartuersittarneq pillugu isumalioqatigiit, naartuersittarneq pillugu siunersieqatigiittartut Kalaallit Nunaanni sulinerat nakkutilliiffisarpaa. Nakkutilliinermik pisussaaffiup saniatigut naartuersittarneq pillugu isumalioqatigiit nunap immikkoortuini assigiinngitsuni naartuersinnissamut akuersissutit itigartitsissutillu amerlassusaasa malinnaaffiginissaannut periarfissaqarput.

Kalaallit Nunaanni naartuersinneq pillugu suliassaqarfimmi inatsisiliornerit, aamma taamaammat inatsimmi aalajangersakkat malinneqarnerisa nakkutigineqarnerat, Indenrigs- aamma Sundhedsmistereqarfiup pisussaaffigaa.

“Kalaallit Nunaanni naartuersittarnerit nakkutilliiffigineqarnerannut sulisaaseq”, ulloq 2. oktober 2024-imi Indenrigs- aamma Sundhedsmistereqarfiup aalajangigaa, malillugu Naartuersittarneq pillugu isumalioqatigiit nakkutilliisarput.

### B. Aalajangiinissamut tunngaviit

- Naartuersittarneq pillugu siunersieqatigiittartut aalajangiinerni, noqqaassuteqarnermit qaammatit 6 kingulliit iluannit sumiiffinni naartuersittarneq pillugu siunersieqatigiittartunit nakorsaanerup tigusimasaanit, nalunaarutigineqarsimasunit  $\frac{1}{4}$ -it nassiuunneqaqqullugit ukiup affakkuutaarlugu Naartuersittarneq pillugu isumalioqatigiit Nakorsaanerumut noqqaassutigisarpaat.
- Siunersieqatigiinnernit ukiup affakkuutaartumik misissuinerit taakku saniatigut, siunersieqatigiittartut isumalioqatigiinnut ingerlaavartumik imaluunniit erseqqinnerusumik taasanik sulianik misissugassanik sulianik nassiusseqqullugit, Naartuersittarneq pillugu isumalioqatigiit naalakkiuteqarfiginnaavaat.
- Tamatuma saniatigut suliat suliarineqarsimasut amerlassusaat taakkulu suussusaat pillugit paasissutissanik nassiusseqqullugit Naartuersittarneq pillugu isumalioqatigiit siunersieqatigiittartut qinnuigisinnaavaat.

Tassani naartunermit sapaatit akunnerisa 12.-saata qaangiunnerani naartusup naartuersinnissaminik kissaateqarsimanera pillugu suliat, Naartuersittarneq pillugu isumalioqatigiit taamaallaat suliarisarpai.

### C. Piffissaq nakkutilliiffiusoq 1. oktober 2024 -imiit 1. februar 2025-imit

“Kalaallit Nunaanni naartuersittarnerit nakkutilliiffineqarnerannut sulisaaseq”-imi immikkoortoq 1 naapertorlugu, piffissami 1. oktober 2024-imiit 1. februar 2025-imit siunersieqatigiittartut aalajangiineri tamaasa nassiteqqullugit Naartuersittarneq pillugu isumalioqatigiit Nakorsaaneq ulloq 6. februar 2025 noqqaassuteqarfigisimavaat. Siunersieqatigiittartut aalajangiineri Naartuersittarneq pillugu isumalioqatigiinnit ulloq 10. februar 2025 tiguneqarsimapput.

### D. Nakkutilliinerup annertussusaa

Nakkutilliineq suliarineqarsimasoq, ima suliarineqassasoq, piffissami 1. oktober 2024-imiit 1. februar 2025-imit siunersieqatigiittartuni suliat tamarmik misissorneqarnissaannut nassinneqassasut, Naartuersittarneq pillugu isumalioqatigiit Siulittaasuata nalilersimavaa. “Kalaallit Nunaanni naartuersittarnerit nakkutilliiffineqarnerannut sulisaaseq” 2. oktober 2024 saqqummiunneqarsimammat, oktober 2024-imit siusinnerusumut piffissaliinissaq Naartuersittarneq pillugu isumalioqatigiit kissaatigisimangilaat.

Piffissami 1. oktober 2024-imiit 1. februar 2025-imit siunersieqatigiittartut aalajangiineri 12 Naartuersittarneq pillugu isumalioqatigiit tigusemavaat. Suliat kinaassutsimik ilisarnarunnaarsakkat taakku tigunerisa kingorna, suliat nakkutilliineri normumik nutaanik Naartuersittarneq pillugu isumalioqatigiit tunisimavaat: T2024-25/01 – T24-25/12.

### E. Piffissami nakkutilliiffiusumi siunersieqatigiittartut aalajangiineri tiguneqarsimasut taakku 12 pillugit pingaarnertut allaaserinnineq

Piffissami nakkutilliiffiusumi siunersieqatigiittartut aalajangiineri 12 Naartuersittarneq pillugu isumalioqatigiit tigusemavaat. Qulaani taaneqartut suliat taakku 12 piffissami 1. oktober 2024-imiit 1. februar 2025-imit siunersieqatigiittartut aalajangiinerinut tamanut takussutissaapput.

Suliat taakku 12 nunap ilaanut ima agguarneqarsimapput:

- 4 Nuummiit
- 2 Tasiilamiit
- 3 Kalaallit Nunaata Avannaaniit (2 Aasiannit aamma 1 Ilulissanit)
- 2 Sisimiunit
- 1 Qaqortumit

Sulianit 12-nit 4 meeqqanut (18-it inorlugit ukiulinnut) naartusunut tunngassuteqarput.

Kingusissukkut naartuersissinnaanermut akuersissut suliani 12 tamani tunniunneqarpoq.

Skiimap tamanut atugassiap Nakorsaannermit suliarineqarsimasup tamatigut atorneqarnissaa pillugu Naartuersittarneq pillugu isumalioqatigiit siunersieqatigiittartunut 2022-imi piumasaqaataa massakut atorneqartoq, tamannalu siunersieqatigiittartut sulinerannut immiini assigiissaartumik sulisaatsimik pilersitsisimasoq, sulianut taakkununga 12-nnut tamanut Naartuersittarneq pillugu isumalioqatigiit maluginiarpaat.

### F. Siunersieqatigiit aalajangiineri, inatsisit atuuttut, periaatsit ilusiliinissamullu piumasaqaatit sulisaatsimi aalajangerneqartut aamma

## uppernarsaatit attuumassuteqartut naapertorlugit aalajangerneqarsimanersut pillugit naliliineq

Suliat 7 (60%) qanoq itsilluguluunniit inatsisinut atuuttunut, periaatsinut ilusiliinissamullu piunasaqaatinut sulisaatsimi aalajangerneqartunut aamma uppernarsaatinik attuumassuteqartunik uppernarsaasiinissamik naammassinnittut, Naartuersittarneq pillugu isumalioqatigiit isumaqarput.

- Sulianit 7-nit taakkunanga 4 Nuummeersuupput, 1 Ilulissaneerluni aamma 2 Tasiilameersuullutik.

Suliat 4 sinneruttut (40%) annerusumik minnerusumilluunniit inatsisinut atuuttunut, periaatsinut ilusiliinissamullu piunasaqaatinut sulisaatsimi aalajangerneqartunut aamma uppernarsaatinik attuumassuteqartunik uppernarsaasiinissamik naammassinninngitsut, Naartuersittarneq pillugu isumalioqatigiit isumaqarput.

Kisianni suliani taakkunani kukkunerit assigiinngitsorujussuupput, aamma tamanna tunngavigalugu ataani taaneqartunik Naartuersittarneq pillugu isumalioqatigiit suliat kukkunillit erseqqinnerusumik immikkoortiterneqarneranik suliaqarsimavoq.

### F.1 Siunersieqatigiittartut aalajangiineri pingaarutilinnik kukkuneqartut

Suliaq 1 siullermik pingaarutilinnik kukkunerit imaqarpoq. Suliaq taanna T24-25/08-itut suussusersineqarpoq.

Suliaq taanna oqaaseqaateqarfigineqarnissamut pissutissaqartitsisutut Naartuersittarneq pillugu isumalioqatigiit siulittaasuannit nalilerneqarpoq, aamma taamaammatt nakkutilliisut ullormi 25. Februar 2025-imi ataatsimiinneranni, Kalaallit Nunaanni naartuersittarnerit nakkutilliiffineqarnerannut sulisaatsimi immikkoortoq 2-mut naapertuuttumik oqallisigineqarsimalluni.

Meeraq naartusoq pineqarpoq, piunasaqaatigineqartutut naartuersinnermi naartuersittarneq pillugu siunersieqatigiittartut suliarineqarnissaannaassappat, naartunermini sapaatit akunnerisa 12.-saat qaangersimavai.

Akuliunnermut angajoqqaatut oqartussaassuseqartup uppernarsarneqarsinnaasumik akuersissuteqarsimannginnera, kukkuneruvoq pingaarutilik. Akuersissutit pissarsiariniarneqarsimanagera nalunaaqutserneqarsimavoq, kisianni akuersissuteqarneq pillugu paasissutissanik sulii allanik suliaq imaqqanngilaq – soorlu aamma akuersissuteqarneq immi suliami nassaassaangitsoq.

Peqqinnissaqarfik taamaalluni angajoqqaatut oqartussaasut akuersiteqqaarnagit meeqqami kingusissukkat naartuersitsinermik suliaqarsimavoq, aamma taamaalluni naartuersinneq pillugu Kalaallit Nunaannut inatsimmi nr. 232-imi, 12. juni 1975-imeersumi § 6, imm. 1 unioqutissimallugu.

§ 6, imm. 1 ima oqaasertaqarpoq:

*Arnaq 18-it inorlugit ukioqarpat imaluunniit inummut tunngatillugu nammieersinnaassusiiagaasimappat, angajoqqaatut oqartussaasut, angajoqqaatullu akisusaatitaasoq, tamarmik immikkut, noqqaassuteqarnermi akuersissuteqassappat.*

Akuliunnermi tassani, siunersieqatigiittartut suliamik suliarinnittut kukkussummik pingaarutilimmik kukkussuteqarsimasut, tamatuma kinguneranik Naartuersittarneq pillugu isumalioqatigiissitat isumaqarput.

Naartuersittarneq pillugu isumalioqatigiissitat suliamut tassunga ima oqaaseqaateqarput:

*Suliami uani siunersieqatigiittartut naartuersinneq pillugu inatsimmik unioqutitsisimasut Naartuersittarneq pillugu isumalioqatigiit isumaqatigiissut isumaqarput, tassungalu atatillugu siunersieqatigiittartut suliamik suliarinninnerat sakkortuumik isorisariaqartutut isigisariaqarnera oqaatigalugu.*

*Isumalioqatigiit ilungersunartorujussuarmik isorinninnerat aamma siunissami siunersieqatigiittartut suliaqarnerannut malittarisassat paasineqarnissaat qulakkeerniarlugu, matumani meeqqat pillugit suliat ingammik ilanngullugit, siunersieqatigiittartunut pineqartunut Nakorsaanerup attaveqarnissaa piumasaqaatigineqarpoq.*

## **F.2. Siunersieqatigiittartut aalajangiineri kukkunillit**

Suliat sisamat siullermik kukkunernik erseqqissunik allatut suussusilinnik ima qarput, taakkuli taamaattoq pingaaruteqartutut suussusilerneqarsinnaanngillat.

Suliami 1-imi, T24-25/05-imi, kukkunerit tassaapput siunersieqatigiittartut ilaasortaannit ataatsimit atsiornepup amigaataanera aamma Kalaallit Nunaanni naartuersinneq pillugu suliat suliarineqartarnerat pillugu kaajallaasitami nr. 2-mi, 19. juni 1975-imeersumi § 7, imm. 2 malillugu kingusissukkut naartuersinnermut pissutaasoq pisariaqartinneqartoq ima erseqqinngitsigisumik taaneqarsimavoq, pissutaasoq pissutsinik, arnamut peqqissutsikkut navianartorsiortitsinnermut, naartuersittarneq pillugu inatsimmi § 3, imm. 2 malillugu naartunermi piffissami tassani akuliunnerup kinguneranik navianartorsiortitsinnermik annertusisisisumut pissutaatinneqarnissaanut piviusumik naleqquttumillu isumaqarani.

Suliaq aamma taanna nakkutilliisut ataatsimiinneranni ulloq 25. februar 2025-imi pisumi piviusumik eqqartorneqarpoq.

Suliami tassani siunersieqatigiittartut suliamik suliarinninnerminni ilungersunartumik kukkussuteqarsimasut, Naartuersittarneq pillugu isumalioqatigiit tamatumaa kingunerisaanik isumaqarput.

Naartuersittarneq pillugu isumalioqatigiit suliaq taanna pillugu ima oqaaseqateqarput:

*Siunersieqatigiittartut suliami tassani suliamik suliarinninnerminni ilungersunartorujussuarmik kukkussuteqarsimasut, aamma siunersieqatigiittartut tassunga atatillugu suliamik suliarinninnerat isorisariaqartutut isigisariaqartoq. Naartuersittarneq pillugu isumalioqatigiit isumaqatigiissut isumaqarput.*

*Naartuersittarneq pillugu isumalioqatigiinni ilaasortap, naartuersittarneq pillugu inatsimmi § 4, imm. 3-mi sulinnermut- isumaginninnermullu pisortaq sinnerlugu ilaasortaasup, periarfissaq siulleq atorlugu kommuninik ataatsimeeqateqarnermini isumaginninnermi- aamma imaluunniit peqqissaanermi ikiortit, naartuersinneq pillugu inatsimmi § 4, imm. 1- malillugu naartuersittarneq pillugu sumiiffinni siunersieqatigiittartuni peqataasinnaasut, akuersissuteqarnermut pissutaasut naleqquttumik, eqqortumik aamma peqqissaartumik taaneqarnissaat pillugit erseqqissaavigissagai, Naartuersittarneq pillugu isumalioqatigiit inappaat.*

*Ilaatigut isumalioqatigiit isorinninnerat oqaatiginiarlugu ilaatigullu siunersieqatigiittartut suliaqarneranni uppersaasersuinissaq pillugu piumasaqaatit paasineqarnissaat qulakkeerniarlugu, siunersieqatigiittartunut pineqartunut Nunatsinni Nakorsaanerup attaveqarnissaa inassutigineqarportaaq.*

Suliani taakkunani pingasuni, T24-25/04-imi, T24-25/11-imi aamma T24-25/12-imi, siunersieqatigiittartut ilaasortaata tamarmik siunersieqatigiittartut aalajangiineranni atsiorsimannginnerat kukkuneruvoq. Taamaalilluni suliani taakkunani pingasuni siunersieqatigiittartut aalajangiinerannut atugassami skiimami akuerisaasumi atsiornernit pingasunit piumasaqaatigineqartunit ataasertiaq amigaataavoq.

Taamaalilluni suliat taakku, siunersieqatigiittartut suliani piviusuni taakkunani aalajangiinissamut piginnaasaqarsimanngitsutut isikkoqarput, kisianni uppersaasersuinnermi puigornerit pineqarnerattut isigineqarnissaat, Naartuersittarneq pillugu isumalioqatigiit siullermik toqarpaat. Kisianni aamma kukkunernut taamaattut ilungersunartorujussuurtut suussuseqartutut Isumalioqatigiit isiginiarpaat.

Nakkutilliinerit pillugit ataatsimiinnermi suliat taakku pingasut misissorneqarnissaat piviusumik pisariaqanngitsoq, Naartuersittarneq pillugu isumalioqatigiit isumaqarput. Suliat taakku pingasut nunap immikkoortuani peqqinnissaqarfinit aamma taakkunanga marlunnit suliarineqarsimasut, Naartuersittarneq pillugu isumalioqatigiit aamma maluginiarpaat.

Sulianut taakkununga pingasunut Naartuersittarneq pillugu isumalioqatigiit ima oqaaseqaateqarput:

*Naartuersittarneq pillugu siunersueqatigiittartuni ilaasortat peqataasimasut atsiornerisa amigaataanerat sulianik suliarinninnermi ilungersunartumik kukkunertut isigineqartariaqartoq, taamaattoqarneralu siunersueqatigiittartut erngerlutik iluarsisagaat Naartuersittarneq pillugu isumalioqatigiit isumaqatigiissut isumaqarput, tassungalu atatillugu siunersueqatigiittartut sulianik taakkuninnga suliarinninnerat amigaateqartut isigisariaqartoq Naartuersittarneq pillugu isumalioqatigiit oqaaseqarput.*

*Isumalioqatigiit isorinninnerat aamma siunissami siunersueqatigiittartut suliaqarnerannut malittarisassat paasineqarnissaat qulakkeerniarlugu, siunersueqatigiittartunut pineqartunut marlunnut Nakorsaanerup attaveqarnissaa piunasaqaatigineqarpoq.*

## **G. Inerniliineq**

Suliani pingaarutilinnik imaluunniit annertunerusunik kukkunilinni, kukkunerit annertussusaat pillugit naleqqiussineq 40%-iuseq (suliat tallimat) qaffasissorujussuusoq Naartuersittarneq pillugu isumalioqatigiit isumaqarput.

Nakorsaanerit piunasaqaatit piviusut saniatigut, naartuersittarneq pillugu siunersueqatigiittartut suliaannut piunasaqaatit, matumani ingammik uppersaasarsuissamut piunasaqaatit ilanngullugit, nalinginnaasumik ukkatarineqassasut, isumalioqatigiit innersuussutigaa.